

इवनिंग डोगरी न्यूज बुलेटिन

समे .18:15 Hrs

<><><><><><>

Headlines

1. राष्ट्रपति द्रौपदी मुर्मू होंरें आखेआ ऐ जे उर्जा संरक्षण हुन इक विकल्प नेई सगुआं मौजूदा समें दी लोड़ ऐ।
2. सेना आसेआ घट्ट बर्फबारी दे मद्देनजर कब्जा रेखा कन्नै लगदे इलाकें च निगरानी बदाई दिती ऐ। घुसपैठ गी रोकने लेई गश्त बदाई गेई ऐ ते चौकसी बरती जा'रदी ऐ।
3. जम्मू-कश्मीर पुलस नै राष्ट्र बरोधी गतिविधिं च शामिल 40 लोकें खिलाफ आरोप पत्र दायर कीता ऐ।
4. श्री माता वैशणो देवी श्राइन बोर्ड नै साधना कक्ष श्रद्धालुं दे नमित कीता।
5. उच्चियें धारें पर ताजा बर्फबारी मैदानी इलाकें च मौसम बदलोखड़ा, राती दे तापमान च किश बाद्दा दर्ज कीता गेआ।

<><><><><><>

Prez. Energy conservation

अज्ज राष्ट्री उर्जा संरक्षण ध्याड़ा ऐ। उर्जा संरक्षण दे महत्व बारे जागरूकता पैदा करने ते उर्जा दे क्षेत्र च राष्ट्र दियें उपलब्धियें गी उजागर करने लेई हर ब'रे एह ध्याड़ा मनाया जंदा ऐ। इस मौके पर राष्ट्रपति द्रौपदी मुर्मू होंरें नमीं दिल्ली च राष्ट्री उर्जा संरक्षण पुरस्कार-2025 ते इस्सै सरबंध्ये च चित्रकारी आहली प्रतियोगिता दे जेतुं गी सम्मानित कीता। किट्ठ गी संबोधित करदे होई राष्ट्रपिता होंरें आखेआ जे उर्जा दा संरक्षण हून छड़ज इक विकल्प गै नेई ऐ, सगुआं मौजूदा समें दी लोड़ ऐ। राष्ट्रपति मुर्मू होंरें जोर देइयें आखेआ जे उर्जा दी हर इक इकाई गी बचाना, कुदरती दे प्रति स्हाढी जिम्मेदारी गी दर्शादी ऐ। एहदे कन्नै एह बी यकीनी बनदा ऐ जे औने आहली पीढ़ियें लेई अस अपनी जिम्मेदारी नभा करने आं। इस मौके पर बोलदे होई राष्ट्रपति होंरें आखेआ

<><><><><><>

Army-Patrol

सेना आसेआ जम्मू खिते दे पहाड़ी इलाकें च गश्त गी होर बी व्यापक बनाई दिता गेआ ऐ। कब्जा रेखा कन्नै लगदे इलाकें च बी निगरानी बदाई दिती गेई ऐ। आकाशवाणी जम्मू संवाददाता दी रिपोर्ट मूजब सेना नै उच्चियें धारें, घने जंगली इलाकें ते उच्चियें पहाड़ियें आहले रस्ते पर अपनी मौजूदगी गी होर

मजबूत बनाया ऐ। इनें इलाके च भारी बर्फबारी मगरा पुज्जना मुश्कल होई जंदा ऐ। एह सब्ब किश स्याले दे मददेनजर सुरक्षाबले दी रक्षात्मक योजना ऐ। ठंडू आहले मौसम दरान धुंध ते कोहरा छाई जंदा ऐ ते लोके दी आवाजाई घटी जंदी ऐ। आतंकवादी गतिविधिं च बाददे लेई एह साजगार माहौल हुंदा ऐ। आतंकवादी गतिविधिं पर रोक लाने ते उन्दे भैडे मनसूबे गी नाकाम बनाने लेई एह योजना बनाई गई ऐ। अजे तगर बर्फबारी घट्ट होने दे मददेनजर आतंकवादी इस भेठा घुसपैठ करने दी कोशिश करी सकदे न।

<><><><><><>

Chargesheet-Anti Nationals

पुलस नै कश्मीर च कथित तौरा पर राष्ट्र विरोधी गतिविधिये च शामिल 40एं जनें खलाफ आरोप पत्र दर्ज कीता ऐ। पुलस दे इक प्रवक्ता नै दस्सेआ ऐ जे उनें इस बारे EIMCO Ordinance दर्ज इक मामले च चलान पेश कीता ऐ जिंदे च 40 जनें पर एह आरोप ऐ जे ओह राष्ट्रबरोधी गतिविधिये च शामिल हे ते हथियारे दी गैर कनूनी सिखलाई आस्ते पाकिस्तान च दाखल होआ करदे हे। प्रवक्ता नै दस्सेआ जे जांच पूरी होने मगरा चलान मुतल्लका अदालत दे सामने पेश कीता गेआ ऐ।

<><><><><><>

Winter-Vacation

स्कूली शिक्षा निदेशालय जम्मू नै जम्मू संभाग दे सोए दे इलाके च सभनें सरकारी ते मानता हासल निजी स्कूले लेई स्याले दिएं छुट्टिं दी घोशणा कीती ऐ। निदेशालय आसेआ जारी हुकमे मुजब प्री-प्राइमरी थमां लेइये 5मीं जमात तगर दे विद्यार्थिं लेई 22 दिसंबर 2025 थमां 10 जनवरी 2026 तगर स्याले दियां छुट्टियां होडन। 6मीं थमां 8मीं जमात दे विद्यार्थिं लेई छुट्टियां 26 दिसंबर 2025 कोला 10 जनवरी 2026 तगर होडन जिसले कि 9मीं थमां 12मीं जमात दे विद्यार्थिं लेई 29 दिसंबर 2025 कोला लेइये 10 जनवरी 2026 तगर स्याले दी छुट्टी होग। हुकमे च सभनें अध्यापके गी निर्देश दिता गेआ ऐ जे ओह छुट्टी दरान लोड़ पौने पर शैक्षणिक गतिविधिं लेई उपलब्ध रौहन ते 10 जनवरी 2026 गी अपने स्कूले च परतोई जान।

<><><><><><>

UMEED-Scheme

उम्मीद स्कीम तैहत कठुआ जिले दियां महिला स्वयं रोजगार ते उद्यमियता गी चुनारदियां न। पल्ली ग्रांs दी 100 महिलाएं दा आप सहायता समूह अचार बनाने, सब्जिं गी डब्बा बंद करने जनेह कम्मे राएं अपनी आजीविका कमारदियां न ते माली तौरा पर सशक्त ते आत्मनिर्भर होआरदियां न। उम्मीद स्कीम जम्मू-कश्मीर च इक महत्वै आहला जत्न ऐ जेदे राएं महिला आप सहायता समूहे, हुनर विकास, माली

पुज्ज राएं सशक्त होआरदियां न। एह सब किश राश्ट्री ग्रामीण आजीविका मिशन तैहत होआरदा ऐ।
अपने अनुभव सांझा करदे होई किश लाभार्थिं आखेआ

<><><><><><>

ते हुन बाकि दिएं खबरें कन्नै श्रुति खजुरिया।

SMVD-Sadhna Kaksh

आध्यात्मिक अनुभव गी होर बेहतर करने ते श्रद्धालुएं दी सुविधा लेई श्री माता वैश्वो देवी श्राइन बोर्ड नै
भवन आहले इलाके च साधना कक्ष कायम कीता ऐ। आकाशवाणी जम्मू संवाददाता दी रिपोर्ट मूजब
साधना कक्ष राम मंदर च कायम कीता गेआ ऐ। एहदा मकसद इत्थे औने आहले श्रद्धालुएं दे
आध्यात्मिक अनुभव गी बेहतर करना ऐ। 1500 क्वेयर फीट दे इलाके च फैले दे इस केंद्र च 160 थमां
170 श्रद्धालुएं दे इक्के बेल्लै किट्ठे होने दी समर्थ ऐ।

<><><><><><>

New Ramsar Sites

भारत च द'ऊं नमियां रामसर थाहां जुड़ियां न जेहदे कन्नै 2014 च 26 थाहें आहली गिनतरी बधियै 96
होई गेई ऐ। राजस्थान दे अलवर च सिलिसेर झील ते छत्तीसगढ़ दे बिलासपुर दे कोला कोपरा जलाशय
गी रामबसर कन्वेंशन दे तैहत नामत कीता गेआ ऐ। नमीं थाहां जुड़ने आहले बाददे कन्नै अमृत धरोहर
पैहल दे तैहत वेटलैंड संरक्षण जेव विविधता संरक्षण, जलवायु सुरक्षा ते आजीविका च मदद थोग ते
भारत 100 रामसर थाहे आहली गिनतरी दे कोल पुज्जी जाहग।

<><><><><><>

Book-Release

डोगरी संस्था जम्मू नै अज्ज करन नगर स्थित डोगरी भवन च इक शनदार साहित्य समारोह दा
आयोजन कीता जित्थे मन्ने-परमन्ने दियां लखारी ते कवित्री कृष्णा प्रेम हुं'दी लिखी दियें त्रै महत्वपूर्ण
कताबें दा विमोचन कीता गेआ। जिनें कताबें दा अनावरण कीता गेआ ऐ, उन्दे च शामिल न। कोशश करने
आहलें दी कदें हार नेई हुं'दी। एह न्यानें आस्तै डोगरी कहानियें दा इक संग्रैह ऐ। दुई कताब दा नांs ऐ-
कुंगली डोआरी जेहड़ी निक्के न्यानें आस्तै डोगरी च कविताएं दा इक संग्रैह ऐ ते त्रीs कताब ऐ-इंद्रधनुष-
एह हिंदी ते अंग्रेजी दौनें भाशाएं च बाल कविताएं दा इक संग्रैह ऐ। समारोह च मुख परौहने दे तौरा पर
अशोक अंगुराना होर मौजूद हे जिसलै के पदमश्री डॉ. जितेंद्र उधमपुरी होर मानजोग परौहने दे तौरा पर
मौजूद हे। डोगरी संस्था जम्मू दे प्रधान प्रो. ललित मगोत्रा होरें इस कार्यक्रम दी अध्यक्षता कीती। इस
मौके पर अपनी कताबें दियें किश कविताएं दा पाठ करदे होई लखारी कृष्णप्रेम होरें आखेआ

<><><><><><>

जम्मू-कश्मीर ग्रामीण आजीविका मिशन तैहत चलाई जा'रदी Lal Ded Stree Shakti Scheme राएं रामबन जिले दे लोकें गी बड़ा मता लाह होआ' रदा ऐ। इस स्कीम तैहत आप सहायता समूहें दी महिला मिम्बरें गी माली इमदाद हासिल करोआई जा' रदी ऐ। इस स्कीम थमां लाह हासिल करने लेई आवेदक गी आप सहायता समूह दे सक्रिय मिम्बर होना लोड़चदा। योग्य लाभार्थी गी 50 जहार थमां 2 लक्ख रपे दोआर दिता जंदा ऐ। महिला सलाई, दस्तकारी, राई-बाई, खाने-पीने आहली चीजें गी डब्बा बंद करने बगैरा जनेई गतिविधिएं लेई दोआर लेई सकदी ऐ। इस बारे होर जानकारी दिंदे होई NRLM दे Cluster Coordinator बटोत अजय शर्मा होरें आखेआ

<><><><><><>

Weather

जम्मू-कश्मीर दिएं उच्चिएं धारें पर ताजा बर्फबारी ते मैदानी इलाकें च मौसम बदलोखड़ा बने दा ऐ जेदे चलदे शनिवार राती दे घट्टोघट्ट तापमान च किश बेहतरी होई। उआं ठंडू दा प्रकोप मते सारे हिस्सें च बरोबर जारी ऐ। जोजिला पास, मीना मर्ग, बालटाल ते तूलेल घाटी च ताजा बर्फबारी दर्ज कीती गेई ऐ जेदे चलदे तापमान च किश गिरावट दर्ज कीती गेई। मौसम विभाग नै 20 दिसंबर तगर मौसम च कुसै बी बड़डे बदलाव दी पेशगोई कीती ऐ। मौसम विभाग नै आखेआ ऐ जे 21 दिसंबर गी जम्मू ते कश्मीर खित्ते दी किश थाहरें पर हल्की बरखा ते बर्फबारी दी मेद ऐ।

<><><><><><>